

INUIT ATAQATIGIIT

Inatsisartuni

11. oktober 2019

Inatsisartut suleriaasianni § 37, imm. 1 naapertorlugu matumuuna Naalakkersuisunut imaattumik apeqquateqarpunga.

Naalakkersuisunut apeqqu:

1. Sooq isumaqatigiissuteqartarneq pillugu inatsit 1980-mili nutarterneqanngila?

2. Isumaqatigiissuteqartarneq pillugu inatsisip nutarernissaanut Naalakkersuisut suliniuteqalersaarpat?

a. Naamiuppap; Sooq inatsit nutarterniarneqanngila?

b. Aappiuppap; Qanoq qaqugulu inatsit nutarterniarneqarpa?

(Inatsisartunut ilaasortaq Stine Egede, Inuit Ataqatigiit)

Tunggavilersuut:

Qaqugukkut isumaqatigiissutit pituttuisuusarnerat isumaqatigiissuteqarneq pillugu inatsisikkut maleruagassiunneqarpoq. Aningaasaatit pigisallu nalillit pillugit inatsisit il.il. ilaasa Kalaallit Nunaannut atortuulernerit pillugit Inatsit nr. 104, 31. marts 1965-meersukut inatsit Nunatsinni atortuulersinneqarpoq.

Inatsillu kingorna arlaleriarluni allanngortinneqarpoq. Ataasiaannarlunili allannguutit taakku Nunatsinni atortuulersinneqarput ¹. Qallunaat Nunaanni Kalaallillu Nunatsinni isumaqatigiissuteqartarnermik inatsisit assigiinngissuteqarnerat tamatuma nassataraa. Tamannalu eqqarsarnartuutippara. Taamaammatt sooq pissutsit taamaannerat paaserusuppara – ilanngullugulu inatsisip nutarterneqarnissaanut Naalakkersuisut suliniuteqalersaarnersut paaserusuppara.

Tassungaa atavillugu 2014-mili isumaqatigiissuteqartarneq pillugu isumaqatigiissutit nutarterneqarnissaa pillugu siunnersuuteqartoqartoqarnera (UKA2014/33²) oqaatigissavara, siunnersuulli qinersisoqarnissaanik suaaruteqartoqarnera patsisigalugu suliarineqarnani atorunnaarpoq. Kingornali susoqarsimasoqarpasinnilaq.

Justitsministeriap ulloq 7. oktober 2019-mi Folketingimut akissuteqaammuni, ministereqarfiup Kalaallit Nunaanni isumaqatigiissuteqartarneq pillugu inatsisip nutarterneqarnissaa pillugu Kunngip peqqussutaanik suliaqarnissaminik salliutitsinissamik piareersimanera oqaatigaa. Iliuuseqarnissarli Naalakkersuisuniittoq unnerpaa³.

Kissaatigivara apeqqu tikka ullut suliffiusut qulit qaangiutinnginneranni akineqarnissaat.

¹Inatsit nr. 250 12. juni 1975-imeersoq pillaassarnermut inatsisip isumaqatigiissuteqartarnerlu pillugu inatsisip il. il. allanngortinneqarnera. Inatsit nr. 350 14. juli 1980-imi Kalaallit Nunaannut atuuttussanngortinneqarpoq.

² https://ina.gl/dvd/EM2014/pdf/samlinger/em2014/pdf/pkt33_em2014_bf_aftaleloven_sadi_siumut_dk.pdf

³ <https://www.ft.dk/samling/20182/almindel/gru/spm/38/svar/1596056/2086139.pdf>